

AMIT SHAH – NIC

ནང་མིང་ གློན་པོ་ Amit Shah གི་ གསུང་བོ་ ཨིན་ སིང་གློན་ Narendra Modi གི་ བྱང་ཤར་ ལོ་ རྒྱལ་ཆེན་ ན་ བཞག་ཤང་ ཐག་བཅད་ ཡོད། ད་རིང་ Tripura གི་ རྒྱལ་ས་ Agartala ན་ བཞག་མཁན་ བྱང་ཤར་ འཛིན་སྐྱོང་ གི་ ཐེང་ ༡༩ པོ་ ཚེ་རེ་བཟུ་ ན་ Shah གི་ དབུ་ཁྱི་ གནང་བོ་ ཨིན། དུས་སྐབས་ འདི་ ན་ ཁོང་གི་ གསུང་བོ་ ཨིན་ སོང་མཁན་ ལོ་ ༡༠ འདི་ བྱང་ཤར་ འོན་ལས་ རྒྱལ་ཆེན་ ཨིན་པོ་ དང་ དབུས་གཞུང་ གི་ investment བྱས་མཁན་ ལུ་ ལོ་ བྱང་ཤར་ ན་ invest བྱས་ཚུ་ ཤང་ སེམས་ཤུར་ བྱས་བཞིན་ ཡོད། Shah གི་ གསུང་བོ་ ཨིན་ སློན་ལས་ བྱང་ཤར་ གི་ བྱོང་ཚུ་ཀོ་ ཐོན་ཟེ་ ཨིན་ དེ་སང་ སིང་གློན་ མོ་ཉི་ གི་ ཡུལ་ཚེ་ འདི་ འོན་ལས་ དང་བྱོན་ མཉམ་ཅེ་ ཐབས་ལམ་ ནང་བཞིན་ ཡོད། ཁོང་གི་ གསུང་བོ་ ཨིན་ ཡུལ་ཚེ་ ན་ ཐམས་ཅད་ ལས་ རྒྱལ་ཆེན་ ཐོབ་ཤོས་ འདི་ དེ་ཁར་ སྦྱང་ཁྲ་ གནང་ལྟར་ བཟོ་ཤང་ ཨིན།

NEC PLENARY MEETING

སིང་གློན་ Om Prakash Mathru གི་ ཡང་ རྒྱལ་ཆེན་ ཐུར་འགན་ ཡོད་མཁན་ བྱང་ཤར་ འཛིན་སྐྱོང་ གི་ ཚེ་རེ་བཟུ་ ན་ རང་གི་ གཏམ་ བཞག་ཤང་ ན་ གཙོ་བྱི་ གློན་པོ་ སྐུ་ཞབས་ Prem Singh ཏྲ་དམག་ གི་ ཡུལ་ཚེ་ ཡར་རྒྱས་ དང་ རྟོ་རམ་ ལོ་ སློན་ལས་ ཏྲ་ཤང་ ན་ རྒྱ་བ་ བཞག་ཀོ་ ཨིན། ཁོང་གི་ དབུས་གཞུང་ budget 2024 – 2025 མཉམ་ཅེ་ ནང་མིང་ གློན་ཚེ་ ཁང་ ལས་ ཐོབ་མཁན་ རྟོ་རམ་ གི་ འོན་ལས་ ཐུར་ཆེ་ འབྲེན་ཞན་ Vikshit Bharat 2047 གི་ འོན་ལས་ ཡོད་མཁན་ ཡོང་དོམ་ དམི་ཡུལ་ སྐར་ལས་ འབྲེན་ཤང་ གནང་བོ་ ཨིན། མངའ་ཟེ་ གི་ ཡར་རྒྱས་ འོན་ལས་ རྒྱལ་ཆེན་ ཐུར་ཆུ་ ཞེ་ ན་ ཨིན་མཁན་ འགལ་སྐྱོར་ དང་ MSME གི་ འོན་ཆེན་ སྐར་ལས་ རྒྱབ་སྐྱོར་ གནང་བཞིན་ གཙོ་བྱི་ གློན་པོ་ གི་ དབུས་གཞུང་ མཉམ་ཅེ་ རྒྱ་མཁན་ བྱང་ཤར་ འཛིན་སྐྱོང་ ལས་ ཐོབ་མཁན་ འཆར་གཞི་ སློན་པོ་ ཐོག་ལས་ འགྱུར་སྐྱོར་ ལས་ཁུངས་ ལོ་ དྲིང་དྲིང་ བཟོ་ཤང་ དང་ ཚོང་འབྲེན་ ཆེན་པོ་ ལོ་ རྒྱལ་ཆེན་ བྱང་ཤང་ བསྐབ་བྱ་ གནང་བོ་ ཨིན། སྐུ་ཞབས་ ཏྲ་དམག་ གི་ རང་ གི་ བཀའ་སློབ་ ན་ འབྲས་ལྗོངས་ ལས་ ཡོད་མཁན་ Kalash Mansorover འགྱུར་སྐྱོར་ གི་ དགོས་གཤམ་ ལོག་ཏེ་ རང་ བཞག་བཞན་ དང་ བལ་ཡུལ་ གི་ ས་མཚམས་ ན་ ཡོད་མཁན་ Chewabhanjanzang ན་ ཞིབ་ཐུང་ ལས་ཁུངས་ ལུ་ བཟོ་ཤང་ རྒྱ་བ་ ལུ་ བཞག་ཀོ་ ཨིན། སྐུ་ཞབས་ ཏྲ་དམག་ གི་ ད་རེ་རེ་ གི་ Teesta སྐྱོང་ རྒྱུ་ རྒྱུ་ གི་ མེ་འཁོར་ ལས་ འཆར་གཞི་ ན་ ཐོན་བཞིན་ ཡོད་མཁན་ བྱིད་ཁྲ་ གེམ་ རྒྱལ་ཆེན་ མགོ་ཡིག་ ལུ་ བཞག་ཞོན་ མཐུན་འབྲེན་ ལོ་ ལོག་ཏེ་ བཟོ་ཤང་ དང་ དཔལ་འབྱོར་ བྱོང་ བྱོག་གི་ མ་ལག་ རང་ ཞིབ་ཐུང་ རྒྱབ་ཤང་ རྒྱ་བ་ ཡང་ ལུལ་པོ་ ཨིན། འདི་ ལས་ གཞན་ ཁོང་གི་ ད་ཤིར་ ཡོད་མཁན་ ཐུར་ཁན་ ཞབས་ཅེ་ ཏེན་ཏེན་ བྱས་ཤང་ གནམ་གྱ་ ཐམས་ཅད་ ན་ རྒྱུར་བ་ མཉམ་ཅེ་ དཔལ་འབྱོར་ གནམ་གྱ་ ཐོང་ར་ ན་ གནམ་ལ་ ཐམས་ཅད་ ན་ གནམ་གྱ་ རྒྱག་ཐོབ་པོ་ ད་ཤིར་ བཟོ་ཤང་ རྒྱ་བ་ བཞག་ཀོ་ ཨིན།

ROLU DIWAS

རོར་ཐང་ དང་ མེ་ལི་ བར་ན་ ཡོད་མཁན་ རོ་ལུ་ ན་ ད་རིང་ SKM སིང་བྱས་ ཚེ་པོ་འདི་ ཐེང་ ༡༩ པོ་ རོ་ལུ་ ཉིམ་ རྗེད་ཁྲ་ བྱས་ ཅིང་བྱང་ བྱས་པོ་ ཨིན། Tripura གི་ རྒྱལ་ས་ Agartala ན་ བྱང་ཤར་ འཛིན་སྐྱོང་ གི་ རྒྱལ་ཆེན་ ཚེ་རེ་བཟུ་ བྱས་ས་ལས་ གཙོ་བྱི་ གློན་པོ་ དང་ སིང་བྱས་ ཚེ་པོ་འདི་ གཙོ་འཛིན་ སྐུ་ཞབས་ Prem Singh ཏྲ་དམག་ ལས་རིམ་ འདི་ ན་ བཟུ་ མ་ཐོབ་ས་ལས་ འབྲས་ལྗོངས་ བྱང་ཚེ་ཁང་ བཀའ་སློབ་ སྐུ་ཞབས་ M.N Sherpa གི་ སྐྱན་དོན་ གཙོ་བོ་ ཐོན་ཟེ་ ལས་རིམ་ ན་ བཟུ་པོ་ ཨིན། རང་གི་ གསུང་ཤང་ ན་ སྐུ་ཞབས་ ཤར་པས་ ༢༠༠༩ ན་ ཅིང་བྱང་ བྱས་མཁན་ དང་པོ་ རོ་ལུ་ རྒྱབ་ལས་ འབྲས་ལྗོངས་ མངའ་ཟེ་ མེ་སར་ གི་ དགོས་གཤམ་ རྒྱབ་མཁན་ བདོན་ཐུར་ རྒྱུ་ འབྲེན་ཤང་ གནང་བོ་ ཨིན། ལས་རིམ་ ན་ གློན་པོ་ སྐུ་ཞབས་ Bhajraj Rai, སིང་བྱས་ འབྲས་མི་ N.B Pradhan ཉོན་ཀོང་ འབྲས་མི་ Sunita Gajmer དང་ གཞན་ བྱིས་ རྒྱང་ལེན་པོ་ ཨིན། ལོ་ འདི་ རོ་ལུ་ ཉིམ་ལོ་ ཐོན་ཏེ་ རྒྱལ་ཆེན་ བྱིན་ཞན་ ཚེ་པོ་ གི་ རོ་ལུ་ མན་ཁྲེར་ ན་ ཉིན་ ༢ གི་ ཚེ་པོ་ བཞག་ཀོ་ སྤང་ རོ་ལུ་ ལྷ་མོ་གི་ སློན་ལས་ གི་ བྱས་ས་ལས་ འབྲས་ལྗོངས་ ན་ མེ་སར་ ལོ་ བྱིན་མཁན་ ཁ་ཅམ་ རྒྱབ་ཤང་ གནང་ཤང་ ཡོད་པོ་ SKM ཚེ་པོ་ གི་ མགོ་ཡིག་ བཞག་ཞན་ འོང་ཡོད། ལོ་ ཨ་ཏང་ རོ་ལུ་ ཉིམ་ ཅིང་བྱང་ སློན་ལས་ ཚེ་པོ་ གི་ རོ་ལུ་ མན་ཁྲེར་ ན་ ཚེ་པོ་ བྱས་སྤོ་ སྤང་ ད་རིང་ རང་ SKM ཚེ་པོ་ གི་ གསར་པོ་ ལོ་འདི་ calendar དང་ ད་ཤིར་ མགོ་བོ་ ཨིན། ཉིམ་ འདི་ ལོ་ རང་ བྱོན་ མ་ཚུད་པོ་ བསམ་སྤོ་ ཐོན་ མ་ཚུར་ཀའི་ འོན་ལས་ གཙོ་བྱི་ གློན་པོ་ སྐུ་ཞབས་ ཏྲ་དམག་ གི་ ལོན་ གཅིག་ ཐོག་ལས་ རོ་ལུ་ ཉིམ་ གི་ རྒྱལ་ཆེན་ སྐར་ལས་ སོ་སོ་འདི་ བསམ་སྤོ་ བཞག་ཀོ་ ཨིན། ཅ་ཆེན་ རོ་ལུ་ མན་ཁྲེར་ གི་ སློན་ལས་ རང་ཏེང་ལོ་ ཨ་ཏང་རང་ ཡོད་པོ་ བྱས་ས་ལས་ འབྲས་ལྗོངས་ དང་ མེ་སར་ གི་ ཞབས་ཅེ་ བྱས་ ཐོབ་པོ་ འབྲེན་ཤང་ གནང་བཞན་ གཙོ་བྱི་ གློན་པོ་ གི་ རང་ གི་ ལོན་ ཐོག་ལས་ རོ་ལུ་ ལྷ་མོ་ ལོ་ ཐུར་ཆེ་ འབྲན་པོ་ ཨིན། ཐེང་ གཉིས་པོ་ གཞུང་ བཟོ་ཏེ་ ཐེང་ དང་པོ་ རོ་ལུ་ ཉིམ་ ན་ གཙོ་བྱི་ གློན་པོ་ མན་བཟུ་པོ་ ན་ ཚེ་པོ་འདི་ འབྲེན་ཤང་ གནང་བོ་ ཨིན།

GST COUNCIL

GST འཛིན་སྐྱོང་གི་ ཐེངས་ ༥༥ ཙོ་ ཚེ་རེ་བསྡུ་ Rajasthan གི་ Jalsermeher ན་ ཐོན་ཁིན་ ཡོད། དུལ་ཅེད་ སློན་པོ་ Nirmala Sithraman གི་ དབུ་ཁྲི་ ན་ ཐོན་མཁན་ ཚེ་རེ་བསྡུ་ ན་ མན་འདྲ་པོ་ མངའ་སྡེ་ དང་ དབུས་གཞུང་ ངོ་ལོག་ ལུལ་ གི་ གཙོ་སྡེ་ སློན་པོ་ སློན་པོ་ གཙོ་པོ་ འདོམ་ དང་ དུལ་ཅེ་ སློན་པོ་ གི་ སྤྲུལ་འགན་ ལེན་ ཡོད། དེ་ཁར་ འབྲས་ལྗོངས་ ལས་ འཕྲོད་བཞེན་ སློན་པོ་ སྐུ་ཞབས་ G.T Dhungel གི་ ཚེ་རེ་བསྡུ་ ན་ སྤྲུལ་འགན་ ལེན་པོ་ གནང་ཡོད།

SPORTS

སྐང་རྟོག་གི་ དཔལ་འབྱོར་ ཅེད་ཐང་ ན་ ཅེད་གཞན་ ཡོད་མཁན་ Sikkim Rising Star 2.0 ངོན་བཞིན་ ལོ་ཚད་ 17 ལས་ གཞན་པོ་ སུ་མོདི་ semi final ད་རིང་ ཐོན་པོ་ ཡིན། ད་རིང་ ཅེད་མཁན་ དང་པོ་ semi final ཅེད་མ་ ན་ Maneybong Dentam Sporting Society United གི་ Bhojoghari Sporting Club སྤྲེང་ལོ་ གལ་པོ་ ཡིན། ཅེད་མ་ གི་ mins 3 ཙོ་ ན་ goal དང་པོ་ དང་ མཐར་ goal སྐྱག་ཏི་ གལ་མཁན་ team གི་ Choden Bhutia གི་ རིང་ གི་ ཚེ་རེ་པོ་ ལོ་ གལ་ཁ་ ལུལ་པོ་ ཡིན། ད་རིང་ རང་ ཅེད་མཁན་ Semi final གི་ ཅེད་མ་ གཉིས་པོ་ ན་ Shingling Sporting Academy གི་ Pakyong United ལོ་ goal 4 སྐྱག་ཏི་ བམས་ཀོད་པོ་ འདི་ final ན་ སྐོབ་ཚུད་པོ་ ཡིན། ད་ བདོན་སྤྱར་ འདེའི་ final ཅེད་མ་ ན་ Maneybong Dentam Sport Society གི་ Shingling Sports Academy མཉམ་ཅེ་ final ན་ ཅེད་ཤད་ ཡིན། དེ་སང་ final ཅེད་མ་ གི་ ད་ལྟོ་ སང་ final ཅེད་མ་གྱི་ ད་ལྟོ་ སང་ཏེ་ རྒྱ་ཚད་ ཐག་བཅད་ ཐོན་ཤད་ མེད།